

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 06-12-2021**

**Mødedato** Mandag d. 06. december 2021 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Ingerlatsinermik nakkutilliartroneq pillugu ilisimatitsissut.....	9
Kajumissuseq tunngavigalugu isumaginninnermi sulinermut tapiissutininik agguaneq.....	12
Nuummi Kofoeds Skolip naatsorsuutai 2020.....	15
Issiavinnik kaassuartakkanik atuisunut Paamiuni innuttaasumut Tasiilamilu innuttaasumut aqqutissi	18
Ittoqqortoormiini aamma Qeqertarsuatsiaani NUIKI pillugu ilisimatitsissut.....	20
Utoqqaat pillugit immikkoortumut pilersaarutip killiffia (2021).....	23
Angerlarsimaffeqanngitsuuneq pillugu immikkoortumut pilersaarutip killiffia.....	27
2022-mi politikkikkut ataatsimiiffissat.....	31
Lukket.....	33
Taasariaqartut allat.....	34
Imaqarniliap akuerineqarnera.....	35

## **Punkt .: Saqqaa**

### **Ilaasortat:**

Inge Olsvig Brandt (IA) Siulittaasoq

Lone Rosengreen Pedersen (IA) siulittaasup tullia

Avaaraq S. Olsen (IA)

Poul Petersen (D)

Mala Høy-Kukó (S)

### **Beslutning**

Ataatsimeeqataasut.

Lone Rosengreen Pedersen (IA)

Avaaraq S. Olsen (IA)

Naya-Sophia Lyberth (IA) suppelant for Inge Olsvig Brandt (IA)

Oqarasuaatikkut:

Mala Høy-Kukó

ataatsimeeqataasinnaanatik nalunaartut:

Inge Olsvig Brandt (IA)

Poul Petersen (D)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.

# Punkt .: Nalunaarutit

Siulittaasumiit nalunaarutit:

Ingerlatsivimmiit nalunaarutit:

## Beslutning

Siulittaasumiit nalunaarutit:

Soqanngilaq.

**Ingerlatsivimmiit nalunaarutit.**

1. Ulluni kingullerni innaallagiaarunneq attaveqaatitigullu attaveerunnerup kingunerisaanik angerlarsimaffeqanngitsut pillugit upalungaarsimaneq annertusineqarpoq. Angerlarsimaffeqanngitsunut unnuisarfik ulloq unnuarlu ammatinneqarpoq, aqqusinermilu angalaartartut pisariaqartitsisoqarpat orniguttariaannangorlutik sillimatinneqarput.

2. Angerlarsimaffeqanngitsut pillugit oqallittarfimmi sammisanik suleqatigiissitat ataatsimiinneri siulliit ingerlanneqareerput, taakkulu suliassatut aallaavigissallugu angerlarsimaffeqanngitsunut nuna tamakkerlugu periusissiorneqarpoq. Oqallittarfik Isumaginninnermut Naalakkersuisumit Mimi Karlsenimit pilersinneqarpoq, angerlarsimaffeqanngitsut pillugit ajornartorsiut qitiutillugu ataatsimoorunneqarniassamat. Sammisat qulequtakkuutaarlugit suleqatigiissitanut agguataarneqarput:

- Ineqarnermut tunngasut aamma nukingiussamik inissamik neqeroorut
- Danmarkimut nutsertarneq
- Paasissutissat ilisimasallu
- Suliassaqarfii assigiinngitsut akornanni suleqatigiinneq aamma tamakkiisumik isiginnittumik tapiissuteqartarneq
- Angerlarsimaffeerunnissamik pitsaaliuinermi siusissukkut iliuuseqartarneq

Angerlarsimaffeqanngitsut pillugit oqallittarfimmi tullissaani ataatsimiinneq pissaaq u. 17 decembari.

3. Sap. ak. 44-mi angerlarsimaffimmi peqqissaasut angerlarsimaffimilu ikiortit Aqqusinersuaq 9-mut ataatsimuulerlutik nuupput. Nutsernissaq Peqqinnissaq pillugu isumaqatigiissummi 2017-2021-mi qaangiutilersumi suleqatigiissutigalugu piffissami sivisuumi anguniagaavoq. Maannakkut angerlarsimaffimmi peqqissaasut sisamaapput angerlarsimaffimilu ikiortit 30-ullutik. Maannamiit allartillugu ataatsimoorluni sullitat qaninnerusumik suleqatigiissutigineqalissapput, tassani pingaarnerutissallugu ulloq unnuarlu isumassuineq, taamaalilluni innuttaasoq sapinngisamik sivisunerpaamik nammineq angerlarsimaffimminiissinnaaqqullugu.

4. Suliffeqarnermut Isumaginninnermullu Ingerlatsivimmi Innarluutilinnut tarnikkut nappaatilinnullu Immikkoortortaqarfimmi Mathias Knude Brusgaard decembarip aallaqqaataaniit fagchefitut sulilissaaq. Mathias Mariagerfjord Kommunimi Ilaqutariinnut Inuit innarluutilinnullu immikkoortortaqarfimmi aqutsisutut siusinnerusukkat atorfeqarpoq. Nuummi aqutsisutut sulinini aallartippaa, illoqarfimmullu uteqqinnissani qilanaaraa, kommunimilu sulisut peqatigalugit peqataatitsinikkut suliatigullu ineriartortitsinikkut innuttaasunut naleqartitsinerulerluni sulineq pitsaasoq nangissavaa.

5. Stabimut aqutsisoq Lise Buchardt qaammatini pingasuni erninerup kingorna sulinngiffeqassaaq. Peqannginnerani Asbjørn Hauge-Helgestad stabimut aqutsisutut atuuffeqassaaq. Asbjørn filosofimik ilinniagaqartuuvoq ukiunilu kingullerni marlunni AC-fuldmaegtigut atorfeqarluni. Sulisuuvoq pikkorittoq.

# **Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

## **Beslutning**

Ilisimatitsissut tusaatissatut tiguneqarpoq.

## **Bilag**

Suliffissaaleqisut kisitsisaannut takussutissiat

## Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2021-15596

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2021-mi oktobarimut tunngasuvoq.

### Nuuk

Nuummi suliffissaaleqineq suli aalaakkaasuvoq. Nuummi Majoriamit suliffissaaleqisunut piginnaangorsaqqittunullu iliuusissatut pilersaarutit malitseqartinneqarnissaannut suliaqarneq nanginneqarpoq.

### Paamiut

Paamiuni suliffissaaleqineq suli aalaakkaasuvoq. Paamiuni Majoriamit ukiuunerani suliniutit, suliffissaaleqisunut piginnaangorsaqqittunullu assigiinngitsunik ingerlatsinissat, piareersarlugit aallartinneqarput.

### Tasiilaq

Tasiilami suliffissaaleqisut ikiliartorsimapput, taamaattorli ukiuunerani suliffissaaleqinermiit sunnigaanissaa taamalu suliffissaaleqisut amerlinissaat naatsorsuutigineqarpoq. Ukiumi nutaami nunaqarfinni suliffissaaleqisunut ilitsersuisartunik tikittoqassaaq. Taamatuttaaq aggustip qaammataani saaffiginnilluni ilitsersuinerit ingerlanneqarsimasut 2021-mi novembarip ingerlanerani oqarasuaatikkut/skypekkut/teamsikkut malitseqartinneqassapput.

### Ittoqqortoormiit

Suliffissaaleqineq qaffariaateqalaarpoq, tamannali ukiup taamaalineranut tunngaveqarpoq. Majoriami suliassat tamarmik inatsisigut pituttugaasut ataavartumik suliarineqartarput.

### Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut amerlassusaat suli ikiliartorput, 2019 aamma 2020-miit appasinnerulluni. Ilanngussami takussutissiat 1 aamma 2 takukkit.

### Piffissami tassani innersuunneqarsimasut

#### nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut suliffittaarnissaannik innersuussisarneq suli sulissutigineqarpoq. Matumani piffissami innersuunneqarsimasunut nalunaarsuinerit tulliuuttumi takuneqarsinnaapput.

Sumiiffik	Oktobari
Nuuk	15
Paamiut	7
Tasiilaq	3
Ittoqqortoormiit	0
Nunaqarfinni tamani	1

### Matchgruppinnut agguataarinerit naatsorsorneqarnerat

Suliffeqarnermut Isumaginninnermullu Ingerlatsivimmit matchgruppimut agguataarisarneq suli immikkut ukkatarineqarpoq. Tamanna pillugu Suliffeqarnermut Isumaginninnermullu Ingerlatsivimmit qulaajaaneq annertoq aallartinneqarpoq. Taamatut ingerlatsinikkut suliffissaaleqisut katitigaanerisa allangortinneqarnissaat naatsorsuutigineqarpoq, matumani matchgruppe 2-miittut ikilisinneqarnissaat immikkut pineqarpoq. Ilanngussami takussutissiaq 3 takuuk.

### Avataaniit suliaartortut naatsorsorneqarneri

<b>Oktobari</b>	
Akuersissutit amerlassusii	14
Itigartitsissutit amerlassusii	1
Sivitsuinerit amerlassusaat	8
<b>Aalajangiinerit katillugit</b>	<b>23</b>

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

### Saaffiginnilluni ilitsersuisarnerup naatsorsorneqarneri

Majoriaq inuusuttunut 16-30 akornanni ukiulinnut saaffiginnilluni ilitsersuinerimik suliaqartarpoq. Saaffiginnilluni ilitsersuineri sullinniakkat inuusuttuupput Majoriamut suliffissarsiorlutik saaffiginnittanngitsut aammalu ilinniakkamik ingerlatsinngitsut, aammalu taamaalillutik kommunip systemiani nalunaarsorsimasuutigineqanngitsut.

Saaffiginnilluni ilitsersuinerit aallartinneqareerput, Nuuk minillugu. Nuummi inuusuttut amerlaneri pissutigalugit annertuumik pilersaarusiortoqartariaqarpoq, taamaattorli saaffiginnilluni ilitsersuinissamut suliniutaasussamut aggersumut pilersaarusiorneq 2021-mi novembarimi piareernissaa naatsorsuutigineqarpoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut sunniuteqartarput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppersaataitallit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

### **Ilanngussaq**

1. Suliffissaaleqisut kisitsisaannut takussutissiat

## **Punkt 2: Ingerlatsinermik nakkutilliartorneq pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq ima oqaaseqaatitalerlugu: Ataatsimiititamit kissaatigineqarpoq suliassamik saqqummiussinermi naatsumik inerniliisoqarluni, innersuussisoqarlunilu suliap ingerlaqqinnera allanneqartassasut, taamaalillutik nakkutilliinermi nalunaarutit politikerinut naleqqussarneqassammata.

### **Bilag**

Qaava aamma Blok O-mi nakkutilliinermi nalunaarusiaq

Pakkutami nakkutilliinermi nalunaarusiaq

Ippiarsummi nakkutilliinermi nalunaarusiaq

Qeqertarsuatsiaani utoqqaat najugaqatigiiffiani nakkutilliinermi nalunaarusiaq

Tasiilami Najugaqatigiiffinnik nakkutilliinermi nalunaarusiaq

Utoqqaat Illuani nakkutilliinermi nalunaarusiaq

Tasiilami Utoqqaat Illuani nakkutilliinermi nalunaarusiaq

Blok T Paamiuni nakkutilliinermi nalunaarusiaq



## Ingerlatsinermik nakkutilliiartorneq pillugu ilisimatitsissut

Ukiup affaata aappaa

Ilisimatitsissut

SagsID.: EMN-2021-15409

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamat inassuteqaatigaa:

- ilisimatitsissut tusaatitugit tiguneqassasoq

### Suliassamik saqqummiussineq

Kommuneqarfik Sermersuumit kommunimi najugaqarfimmi nakkutigineqartuni, najugaqatigiiffimmi, utoqqaat illuini aamma utoqqaat najugaqatigiiffianni, Isumaginninnermi suliassaqaqarfimmi nakkutilliiarneq pillugu Namminersorlutik Oqartussat nalunaarutaat nr. 22, 24. juni 2020-meersoq malillugu, ukiumut ingerlatsinermut nakkutillineq ingerlanneqartarpoq. Nalunaarutigineqartumik nalunaarutigineqanngitsumillu nakkutillinerit ingerlanneqarsinnaapput. Matumani ilisimatitsissummi nakkutillinerit tamarmik nalunaarutigineqartumik nakkutillinerupput.

Isumaginninnermut Suliffeqarnermullu Ingerlatsivik manna 19-inik najugaqarfimmi neqerooruteqarpoq, taakku ima agguataagaapput:

- Najugaqarfiit nakkutigineqartut arfineq-pingasut
- Utoqqaat illui sisamat
- Najugaqarfiit tallimat
- Utoqqaat najugaqatigiiffiit marluk

Piffissami aprili 2021 – oktobari 2021-mi suliffeqarfiit qulit nakkutilliiartorfineqarsimapput, taakkunanga Tasiilami pingasut, Paamiuni ataaseq, Qeqertarsuatsiaani ataaseq Nuummilu tallimat.

Nakkutillinermi siunnersortip, Suliffeqarnermut Isumaginninnermullu Ingerlatsivimmi stabimi inissisimasup, najugaqartunik, sulisunik aqutsisunillu apersuinikkut, takusanit, uppersaasat misissornerisigut il.il. najugaqatigiiffiup pitsaassusaa nassuiaateqarfigisarpa. Paasissutissat katersorneqartut tunngavigalugit nalunaarusaq suliareqartarpoq, najugaqarfittut neqeroorullu pitsaassutsimut qulequttat assigiinngitsut arfineq-marluusut iluanni uuttuutini naliliiffineqartarput, taannalu Isumaginninnermi suliassaqaqarfimmi nakkutilliiarneq pillugu Namminersorlutik Oqartussat nalunaarutaat nr. 22, 24. juni 2020-meersumi aalajangersagaavoq.

Tamanna tunngavigalugu Suliffeqarnermut Isumaginninnermullu Ingerlatsivimmit najugaqarfittut neqeroorummi suli pitsaassuseq pisariaqartoq ingerlanersoq nalilerneqartarpoq, immikkoortuni tullissaani nakkutilliiartornissamat atatillugu eqqumaffigisassat allattorneqarlutik, ilaatigullu najugaqatigiiffittut neqeroorummut oqaaseqaateqartoqartarluni imaluunniit innersuussuteqartoqartarluni. Oqaaseqaatit innersuussutillu najugaqarfittut neqeroorummik oqaloqateqarnikkut suliareqartarput.

Nakkutillinermi ajornartorsiutaasinnaasut suussusersisat aaqqiiffiginissaannut pitsanngorsaanissamik suliqaarnermi aqutissiuussisoqartarpoq.



Suliffeqarnermut Isumaginninnermullu Ingerlatsivik ukiup affakkaartumik Suliffeqarnermut Isumaginninnermullu Ataatsimiititamut ingerlatsinermik nakkutilliartornermit ilisimatitsissuteqartarpoq.

### **Ingerlatsivimmit aningaasatigut sulisoqarnikkullu naliliinerit**

Ilanngussartaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataatit**

- Isumaginninnermi suliaasaqarfimmi nakkutilliisarneq pillugu Namminersorlutik Oqartussat nalunaarutaat nr. 22, 24. juni 2020-meersoq
- Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-meersoq

### **Ilanngussaq**

1. Qaava aamma Blok O-mi nakkutilliinermit nalunaarussiaq
2. Pakkutami nakkutilliinermit nalunaarussiaq
3. Ippiarsummi nakkutilliinermit nalunaarussiaq
4. Qeqertarsuatsiaani utoqqaat najugaqatigiiffiani nakkutilliinermit nalunaarussiaq
5. Tasiilami Najugaqatigiiffinnik nakkutilliinermit nalunaarussiaq
6. Utoqqaat Illuani nakkutilliinermit nalunaarussiaq
7. Tasiilami Utoqqaat Illuani nakkutilliinermit nalunaarussiaq
8. Blok T Paamiuni nakkutilliinermit nalunaarussiaq

## **Punkt 3: Kajumissuseq tunngavigalugu isumaginninnermi sulinermut tapiissutinik agguaaneq**

### **Beslutning**

Ilisimatitsissut tusaatissatut tiguneqarpoq.



## **Kajumissuseq tunngavigalugu isumaginninnermi sulinnermut tapiissutinik agguaaneq**

2021

Ilisimatitsissut

SagsID.: EMN-2021-12821

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsiviup isumaginninnikkut nammineq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermikkut ajornartorsiuteqartut sammisassaqaartinnissaannut suliniuteqartunut aningaasaliissuteqarnissaq siunertaavoq.

Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. 2021-mi Suliffeqarnermut Isumaginninnermullu Ingerlatsivimmit qinnuteqaatit pingasut akuerineqarput. Suliniutaasut pingasut taperneqartut tassaapput Nuummi Spejderit – Nuuk Spejdergruppe, Nuummi Neriuffik, aamma Tasiilami nunaqarfiinilu oqaloqatigiittartunik/tapersersoqatigiinnik pilersitsineq. Suliniutaapput pissanganartut tapiiffigineqarnissamullu piunasaqaatinik marluullutik akuerineqarnerminnut immikkuullarequteqarput. Nammineq kajumissutsimik suliniutaapput, Kommuneqarfik Sermersuumi innuttaasunut pitsaasumik allangueqataasussat.

Nuummi Spejderit – Nuuk Spejdergruppe qinnuteqarput 20.050 koruuninillu pissarsilluni, Nuummi Neriuffik qinnuteqarpoq 62.500 koruuninillu pissarsilluni suliniullu oqaloqatigiittartunik/tapersersoqatigiinnik pilersitsiffiusoq qinnuteqarpoq 55.820 koruuninik pissarsilluni. Tapiissutitut aningaasat atugassat sinneri 62.630 koruuninik amerlassuseqarput.

### ***Ingerlariaqqinnissaq***

Suliffeqarnermut Isumaginninnermilu Ingerlatsivik nammineq kajumissuseq tunngavigalugu suliniutinut inunnut tunngasunut tapiiffigineqarnissamut qinnuteqaatinik amerlanerusunik tigusaqarnissaminut taakkulu misissuataarnissaanut qilanaarpoq. Ingerlatsiviup 2022-mi qinnuteqaatit suliarissavai aamma Suliffeqarnermut Isumaginninnermullu Ataatsimiititaq ilisimatitsissuteqarfigalugu.

### **Ingerlatsivimmit aningaasatigut sulisoqarnikkullu naliliinerit**

Tapiissutitut aningaasanut atugassatut 201.000 koruunit immikkoortinneqarnikuupput. Konto 2021-mi 138.370 koruuninik imaqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**



- Aningaasanik agguaassisarnermi piumasaqaatit politikikkikut akuersissutigineqarsimasut

**Ilangussaq**  
Ilangussaqanngilaq.

## **Punkt 4: Nuummi Kofoeds Skolip naatsorsuutai 2020**

### **Beslutning**

Ilisimatitsissut tusaatissatut tiguneqarpoq ima oqaaseqaatitalerlugu: kissaatigineqarpoq tulliani ukiumut naatsorsuutit saqqummiunneqarpata biilinut, illumik attartornermut kontunilu assigiinngitsuni aningaasartuutit erseqqissarneqassasut.

### **Bilag**

KSN-ip aamma suliffeqarnermut isumaginninnermullu ingerlatsiviup akunnerminni ingerlatsinermut aamma suleqatigiinnissamik isumaqatigiissutaat

Naatsorsuutit - Nuuk 2020

## Nuummi Kofoeds Skolip naatsorsuutai 2020

Ilisimatitsissut

SagsID.: EMN-2021-15936

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Nuummi Kofoeds Skolip naatsorsuutaasa ukiumut nalunaarusiorneri matumani saqqummiunneqarput.

Nuummi Kofoeds Skolip 2020-mi januaarip aallaqqaataaniit decembarip 31-anut naatsorsuutit saqqummiuppai. Nuummi Kofoeds Skolip aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni ingerlatsinermut suleqatigiinnissamullu isumaqatigiisummi piumasaqaatit naapertorlugit naatsorsuutit saqqummiunneqarput.

<b>Nuummi Kofoeds Skolip 2020-mut naatsorsuutai</b>			
<b>Isertitat</b>		<b>Aningaasartuutit</b>	
Ukiumi kingullermi angusat	- 2.673	Akissarsiat soraarnerussutisiallu	2.813.828
Aningaasaliissutit	4.500.000	Angalanerit angallassinerrillu	42.651
Isertitat allat	18.950	Iluarsaanerit aserfallatsaaliuinerillu	55.800
		Sulisoqarnermut akiliutit	25.683
		Biilnut aningaasartuut	267.730
		Sillimmasiinerit	41.042
		Avataaniit sullinneqarnerit	529.572
		Pisiniarnerit tamalaat	665.987
<b>Isertitat katillugit</b>	<b>4.516.277</b>	<b>Aningaasartuutit katillugit</b>	<b>4.442.293</b>
<b>Suliniuteqarnikkut angusat</b>			<b>73.984</b>

Nuummi Kofoeds Skolip piffissami pineqartumi ataatsimut isertitai 4.516.277 koruuniupput, Kommuneqarfik Sermersuullu 4.500.000 koruunit aningaasaliissutigivai.

Nuummi Kofoeds Skolip piffissami pineqartumi aningaasartuutai 4.442.293 koruuniupput, ilaatigullu akissarsiat soraarnerussutisiallu aningaasartuutaanerpaajullutik tulluuppullu pisiniarnerit tamalaat aamma avataaniit sullinneqarnerit.

73.984 kr.-nik atuinikinnerusoqarpoq.

Naatsorsuutit suliarineqarput suliffiullu avataaniit kukkunersiuisunit KPMG-mit akuerineqarlutik. Oqaaseqaataat naapertorlugit naatsorsuutit ileqqorissaarluni aamma 10. decembari 2018-imi ingerlatsinermut isumaqatigiisummi malittarisassat malillugit naatsorsuutit suliarineqarsimapput, aamma naatsorsuutitut atatillugu annertuunik isornartunilluunniit oqaaseqaatissartaqanngitsoq.

#### *Ingerlariaqqinnissaq*

Nuummi Kofoeds Skolip naatsorsuutaasa ukiumut nalunaarusiorneri aamma atuisut naammagisimaarinerannik misissuineq tullegg 2022-mi apriliip qaammataani pissaaq.

#### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersooq Nuummi Kofoeds Skolimut ukiumoortumik 4.500.000 koruuninik aningaasartuuteqartarpoq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq

#### **Inatsisitigut tunngavissaq allakkallu tunngaviusumik uppersaatitalit**

- Nuummi Kofoeds Skolip aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akunnerminni Ingerlatsinermut aamma suleqatigiinnissamik isumaqatigiissutaat
- Naatsorsuutit - Nuuk 2020

#### **Ilanngussaq**

1. KSN-ip aamma suliffeqarnermut isumaginninnermullu ingerlatsiviup akunnerminni ingerlatsinermut aamma suleqatigiinnissamik isumaqatigiissutaat
2. Naatsorsuutit - Nuuk 2020

## **Punkt 5: Issiavinnik kaassuartakkanik atuisunut Paamiuni innuttaasumut Tasiilamilu innuttaasumut aqutissiamik akuersissut**

### **Beslutning**

Ilisimatitsissut tusaatissatut tiguneqarpoq.



## **Issiavinnik kaassuartakkanik atuisunut Paamiuni innuttaasumut Tasiilamilu innuttaasumut aqqtissiamik akuersissut**

Ilisimatitsissut

SagsID.: EMN-2021-15637

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- innuttaasunut aqqtissiamik akuersissut tusaatissatut tiguneqassasoq.

### **Suliassamik saqqummiussineq**

Innarluutilinnut tarnimikkullu nappaatilinnut immikkoortortami Pillorissaasut aammalu timimik sungiusaasut suleqatigiit naliliipput innuttaasut marluk Paamiuni aamma Tasiilami innarluuteqartut issiavinnik kaassuartakkanik atuisut pisariaqartikkaat matuni silarlarni aqqtissianik peqartussatut pisinnaatitaaffeqartut.

Innuttaasut kommune aqqtigalugu iluaqusersuutininik aammalu init allanngortissinnaanerinit neqeroorutini pioreersuni pisinnaatitaaffeqarput. Issiaviit kaassuartakkat aqqtissaannik atortulersuineq/nutarterineq innuttaasut pineqartut ulluinnarni namminneq inooqataanermilu uummaarissumik inuuneqarnissaannut isumalerujussuusoq nalilerneqarpoq.

### **Ingerlatsivimmit aningaasatigut sulisoqarnikkullu naliliinerit**

Aqqtissianik atortulersuinermit/nutarterinermit aningaasaliissutit iluaqusersuutininut missingersuutit iluannit akilernerqassapput. Aqqtissiat marluk ataatsimut akeqassapput 163.655 kr. Aqqtissiaq Paamiuni akeqassaaq 70.000 kr.-ninik, nutarterinerlu Tasiilami akeqassaaq 93.655 kr.-nik

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Inuit innarluutillit tapersersorneqarnissaannut Inatsisartut inatsisaat nr. 13, 12. juuni 2019-imeersoq
- Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29. 7. august 2020-meersoq
- 2021-mi Suliata allaaserineqarneri

### **Ilanngussaq**

Ilanngussaqanngilaq.

## **Punkt 6: Ittoqqortoormiini aamma Qeqertarsuatsiaani NUIKI pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

## **Ittoqqortoormiini aamma Qeqertarsuatsiaani NUIKI pillugu ilisimatitsissut**

Ilisimatitsissut

SagsID.: EMN-2021-10666

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

NUIKI suliniutaavoq inuusuttunut avinngarusimasumiittunut, suli ilinnialersimanngitsunut imaluunniit sulinnigitsunut, ilinniarnissamut kivitsisuuvoq. NUIKI-mik ingerlatsinermi ilinniartut suliniummut peqataareernerмик kingorna ukiup ataatsip iluani ilinniagaqalersimanissaat imaluunniit suliffittaarsimanissaat ilimanarnerulersarpoq.

Kommunalbestyrelsip 2021-mi suillermeertumik ilassutitut aningaasaliissuteqarnermut atatillugu Qeqertarsuatsiaani Ittoqqortoormiinilu NUIKI-mik ingerlatsinissaq pillugu isumaqatigiissuteqarnissaq akuersissutigaa.

NUIKI-mi ilinniartut kalaallisut, qallunaatut tuluttullu, meeqqat atuarianni inaarutaasumik misilitsinnissamut (FA) piareersaatitut, atuartinneqartarput misilitsillutillu. Tamatuma saniatigut atuartut ilinniagaqarnissamut ilitsersuunneqarlutillu inuttut ineriartornissamut atuartinneqartarput. Ingerlatap ingerlanneqarnerani atuartut Danmarkimut, ilinniagaqarfinnut ilinniartuuffissanullu pulaarnissamut atatillugu, paasisassarsiorlutik angalaqataassapput. Namminersorlutik Oqartussat atuartut nunaqarfinnit (Qeqertarsuatsiaat) paasisassarsiorlutik angalanerit aningaasaliiffigissavaat, kommunilli nammineq illoqarfinnit (Ittoqqortoormiit) atuartut paasisassarsiorlutik angalanerat aningaasaliiffigissavaa.

Meeqqanut Atuarfeqarnermullu Ingerlatsivimmi NUIKI-mut killiffik pillugu ataatsimiinneq ulloq 25. agusti 2021 ingerlanneqarpoq, tassanilu suliniutit killiffii oqaluuserineqarput:

### Qeqertarsuatsiaat:

- Atuartunut 20-t tikillugit amerlassusilinnut NUIKI-mik ingerlatsineq 2021-mi septembarip aallartinnerani aallartinneqarpoq. Ornigulluni ilitsersuinerup kingorna takkuttut amerlasimapput, arlallillu soqutiginninnertik takutissimavaat.
- Suli oqaatsinik ilinniartitsisumik atorfinitsitsisoqanngilaq, ilinniartitsisutulli atorfik inuttassarsiuunneqaqqippoq.
- Septembarip aallartinnerani ilitsersuisunik nunaqarfiliartoqassaaq, ilaatigut atuartunut nutaanut iliuusissatut pilersarusiornissaq siunertaralugu.
- Danmarkimut paasisassarsiorluni angalanissaq oktobarip qaammataani pissasoq naatsorsuutigineqarpoq.
- 2021-mi decembarip qaammataani atuarneq naliliiffigineqassaaq.

### Ittoqqortoormiit:

- Sukumiisumik isumaliutiginnittoqareernerata kingorna NUIKI-mik ingerlatsinissaq 2022-2023-mut kinguartinneqarnissaa aalajangiunneqarpoq. Aalajangiinermi tunngavigineqarput:



- Maanna NUIKI-mik ingerlatsinissamut atatillugu innuttaasunik innersuutassaqaqngilaq, innuttaasut amerlasuut ilinniarnissamut akuerisaanikummata illoqarfimmiillu aallarsimallutik imaluunniit Majoriami ingerlataqareerlutik.
- NUIKI-mik siunnersortinik Ittoqqortoormiinkartitsinissaq angallannikkut arlalitsigut unamminarsinnaasarpq.

NUIKI-mik ingerlatsinissamik kinguartitsineq 2022-mi januaarip qaammataani naliliivigineqaqqissaaq. Innuttaasut innersuunneqarsinnaasutut piukkunnaatillit arlaqarpata, kiisalu siunnersortit illoqarfimmut angalanissaannut periarfissat pitsaanerulerpata, NUIKI 2022-mi upernaakkut Ittoqqortoormiini aallartinneqaqqissaaq.

### **Ingerlatsivimmit aningaasatigut sulisoqarnikkullu naliliinerit**

Aningaasat Ittoqqortoormiini 2021-mi NUIKI-mik ingerlatsinissamut immikkoortinneqarsimasut Majoriami meeqqat atuarfianni ilinniartitsisunut akissarsianut aningaasartuuteqarnerulersimanermit Majoriamilu Meeqqat atuarfianni inaarutaasumik misilitsinissamut (FA) piginnaangorsaaqqinnermut matussutigineqassapput, matumani ataqaqatigiissitsinissamut isumaqaqatigiissutip ilaatut, tassa atuartitsinerup FA-milu atuartut piginnaasaat qaffasinnerulersinneqarnissaannut tunngatillugu. Angalanissamut aningaasaliissutit siunertamut Majoriamut, ukiuni kingullerni marlunni missingersuutitigut ikilisaaffigineqarnermit unamminartorsiorsimasumut, matussutit ilaattut atorneqarnissaat naatsorsuutaavoq.

### **Suliffeqarfimmut Kiffartuussivimmit aningaasatigut naliliineq**

Pisariaqaqngilaq.

### **Inatsisitigut tunngavissaq allakkallu tunngaviusumik uppersaatitallit**

- Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

### **Ilanngussaq**

Ilanngussaqangilaq.

## **Punkt 7: Utoqqaat pillugit immikkoortumut pilersaarutip killiffia (2021)**

### **Beslutning**

Ilisimatitsissut tusaatissatut tiguneqarpoq ima oqaaseqaatitalerlugu: kissaatiginarpoq siunissami Eldergames pileraangat nittarsanneqartarnissaa.

### **Bilag**

Utoqqaat pillugit immikkoortumut pilersaarutip killiffia



## Utoqqaat pillugit immikkoortumut pilersaarutip killiffia (2021)

Ilisimatitsissut

SagsID.: EMN-2021-14832

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- utoqqaat pillugit immikkoortumut pilersaarutip killiffia tusaatissatut tiguneqassasoq

### Suliassamik saqqummiussineq

Utoqqaat pillugit suliassaqaarfimmi suliniutit pillugit ukiumoortumik killiffik pillugu suliaqartoqartarpoq. Utoqqaat pillugit immikkoortumik pilersaarut pillugu ilisimatitsissuteqarnikkut utoqqaat pillugit immikkoortumut pilersaarummi aamma utoqqaat pillugit politikimi anguniakkat immikkut erseqqissaatigineqarsimasut anguniarneqarnerat sulissutigineqartoq qulakkeerneqartarpoq.

Utoqqaat pillugit immikkoortumut pilersaarut utoqqaat pillugit suliassaqaarfimmi suliniutinut tamanut naleqqatut atorneqassapput, politikikkullu anguniakkat aalajangersimasumik iliuuseqarnikkut piviusunnigortinneqarnissaannut atuutilersinneqarnissaannullu qanoq iliuuseqartoqassanersoq saqqummiunneqarluni. Taamaalilluni kommunimi utoqqaat pillugit suliassaqaarfimmi, iliuusissanut nutaanut ataavartumik tulluarsagassanik pilersaarusionermut aqutsinermullu atugassiaavoq. Utoqqaat pillugit immikkoortumut pilersaarummi immikkoortut pingajuat 2017-imiilli politikikkut akuersissutigineqarpoq, taamaattumillu ingerlatsivimmit utoqqaat pillugit immikkoortumut pilersaarut 2022-mi annertuumik nutarsarniarlugu suliniuteqarusuppoq, taannalu nutartigaq politikikkut akuerisassanngorlugu ingerlateqqinneqassalluni.

Ilanngussami utoqqaat pillugit immikkoortumut pilersaarummi ineriartortinneqartussat qulingiluaasuni iliuuserineqartut immikkut killiffiat allassimapput. Tulliuttumi 2021-mi suliniutit iliuutsillu ataasiakkaat eqikkarneqarput.

### Innuttaasunut utoqqarnut sammisaqartitsineq

- Utoqqaat illuani najugaqartunut sulisunullu arlalinnik silami sammisassaqaartitsisoqarsimavoq aqqqissuussisoqarlunilu, assersuutigalugu grillerinerit.
- Elder Gamesinik sapaatip-akunnera immikkut sammisaqartitsineq assut iluatsilluarsimavoq, tassanilu sammisassaqaartitsinerit assigiinngitsut, unammisitsinerit, præmianik tunniussinerit kiisalu naggataarnersiorneq. Tamanna pillugu siunissamik utoqqaat illuini tamani ukiut tamaasa sapaatip-akunnera 24-mi Elder Gamesinik immikkut ittumik sapaatip-akunnerani sammisassaqaartitsisoqartassaaq.

### Tikikkuminassuseq aamma innuttaasunut paasititsiniaaneq

- Aqqusinersuaq 9-mi ininut nutaanut nuunnikkut innuttaasunut tikikkuminarnerulersimavoq. Siunissami ammasarfiit aalajangersimasuussapput innuttaasunullu aalajangersimasumik paasititsiniaalluni ataatsimiititsisoqartassaaq.
- Covid-19 pissutigalugu paasititsiniaalluni aqqqissuussineq ajornakusoorsimavoq kingunerisaanillu puiguttortunut cafémi sammisassaqaartitsinerit killeqarsimapput.
- Covid-19 pissutigalugu sulinermut atatillugu angalasarnerit killeqarsimapput, taamalu Nuup avataani innuttaasunik attaveqaaqateqartarneq annikinnerulersimavoq. Taamaattorli

puigortunngortunut ataqatigiissaarisooq ataaseq sulinerminut atatillugu angalalluni Paamiuniippoq, tassungalu atatillugu paasititsiniaalluni aaqjissuussilluni.

#### Suliffimmi avataangiisit aamma sulisunik ineriartortitsineq

- Napparsimaneq pillugu sulinngiffeqarnerit 2020-miit 2021-mut ikileriaateqarput. Ineriartorneq taamaattup ingerlaannarnissaa pingaaruteqarpoq, taamaattumillu napparsimaneq pillugu sulinngiffeqarnerit ikilisarniarlugit suli suliniutit ingerlanneqarput. Isumassuineq pillugu oqaloqatiginninnerit ulloq siulleq napparsimanermi ingerlanneqartarnissaat anguniagaavoq.
- Sulilerlaanut ilisarititsinermi paasissutissat ilitsersuinermilu paasissutissat pitsaanerulernissaat anguniarlugu sularineqarput. Ilisarititsinermi eqimattat siulliit ukioq manna septembarimi ingerlanneqarpoq. Siunissami suliffissarsiuussisarfik suleqatigineqassaaq, tassani utoqqaat pillugit suliassaqarfimmi sulilernissaat neriutugalugu ilisarititsinermut ingerlatsinermi suliffissarsiortut attuumassuteqarsinnaasut pissarsiarinissaat siunertaralugu.
- Immikkoortortaqarfimmi tamani pissaanermik atuisarnermik ilisimasat annertusarniarlugit nalunaarusiortarnerillu pitsaanerulersinniarlugit sulissuteqartoqarpoq. Immikkoortortaqarfimmi inunnik pingaarutilinnik toqqartuisoqarpoq, taakkulu pisunik pissaanermik atuinertut taaneqarsinnaasunik sulisut ilisimasaqalernissaat paasisimasaqalernissaallu qulakkeertussaavaat.
- Qaammatit tamaasa puigortunngortunut ataqatigiissaarisut suliffeqarfimmi puiguttortunik ikiuisartunik ataatsimeeqateqartarput, tassani sulisut ajornartorsiutaasinnaasunik suliaraqarnermik sungiusarneqartarput, siunissamilu immikkoortortaqarfimmini suleqatigiinnik sungiusaaqqinnissaminut atortussaannik tunineqartarput.

#### Suleriaatsinik pitsanngorsaaneq

- Immikkoortortaqarfimmi tamani GetOrganized-ip nalunaarsuivittut pingaarnertut ilisimaneqarnerulernissaa atuutilersinneqarnissaalu anguniarlugu sulissutigineqarpoq. Tamanna sulisut suleriaasaannut pitsanngorsaataasimavoq, tassa sulisut paasissutissat attuumassuteqartut namminneq iserfigisinnaalerpaat nassaaralugillu. Kingunerisaanillu immikkoortortaqarfiit akornanni ilisimasanik tunniussisarneq siammasinnerulersimavoq isumannaanerulerlunilu.
- Paasissutissat pissarsiarineqarsinnaasut tamarmik, tassunga ilanngullugit qppersakkat, suleriaasissatut nassuiaatit, suleriaatsit, allakkanut immersugassat il.il. 2021-p naalernerani GetOrganized-ikkut pissarsiarineqarsinnaalernissaat naatsorsuutigineqarpoq.
- Siunissami sulisut paarlaannerannut atatillugu GetOrganized uppernarsaatinut paasissutissanillu tunniussinermut atorneqarsinnaalernissaa sulissutigineqassaaq. Maannakkumiit assut pitsaanerulissaaq, massakkummi innuttaasut ataasiakkaat pillugit suliat immikkut tamarmik ammaqqaarlugit ulloq unnuarlu kingulleq tamakkiisumik aatsaat takuneqarsinnaasarpoq.

#### *Ingerlariaqqinnissaq*

Ilisimatitsissut tusaatissatut tiguneqassappat ingerlatsivimmit utoqqaat pillugit immikkoortumut pilersaarut annertuumik nutarsarneqassaaq 2022-mi politikikkut akuerisassanngorlugu. Tulliani ataatsimiititaq utoqqaat pillugit immikkoortumut pilersaarutip killiffia pillugu 2022-mi ukiaanerani ilisimatinneqassaaq.

#### **Ingerlatsivimmit aningaasatigut sulisoqarnikkullu naliliinerit**

Utoqqaat pillugit suliassaqarfimmik killiffik pillugu ilisimatitsissut aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

#### **Suliffeqarfimmut Kiffartuussivimmit aningaasatigut naliliineq**



Pisariaqanngilaq

**Inatsisitigut tunngavissaq allakkallu tunngaviusumik uppersaatitalit**

- Utoqqaat pillugit politikki
- Utoqqaat pillugit immikkoortumut pilersaarut

**Ilanngussaq**

1. Utoqqaat pillugit immikkoortumut pilersaarutip killiffia

## **Punkt 8: Angerlarsimaffeqanngitsuuneq pillugu immikkoortumut pilersaarutip killiffia**

### **Beslutning**

Ilisimatitsissut tusaatissatut tiguneqarpoq.

### **Bilag**

Angerlarsimaffeqanngitsuuneq pillugu immikkoortumut pilersaarut

Angerlarsimaffeqanngitsuuneq pillugu periusissaq

## Angerlarsimaffeqanngitsuuneq pillugu immikkoortumut pilersaarutip killiffia

Ilisimatitsissut

SagsID.: EMN-2021-16018

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

2021-mi februaarip qaammataani angerlarsimaffeqanngitsuuneq pillugu immikkoortumut pilersaarut ataatsimiititamit akuersissutigineqarpoq kingornalu immikkoortumut pilersaarummi suliap siuariartornera pillugu ukiumut killiffissiortarnek pisarluni.

Immikkoortumut pilersaarut kommunip angerlarsimaffeqanngitsuuneq pillugu periusissiaanut iliuusissatut pilersaarutitut isigineqassaaq.

Immikkoortumut pilersaarummi anguniakkat pingaarnerit pingasuupput:

- Nuummi angerlarsimaffeqanngitsunut ornittakkamik pilersitsineq
- Angerlarsimaffeqanngitsunut ataavartumik inissianik pilersitsineq
- Angerlarsimaffeqanngitsuuneq pinaveersaartinniarlugu ikiuiniarlunilu periaatsinik ineriartortitseqqinneq

Anguniakkat pingasuusut killiffii ataani takuneqarsinnaapput:

- Nuummi angerlarsimaffeqanngitsunut ornittakkamik pilersitsineq  
2021-mi novembarimi killiffik:  
Suliffeqarnermut Isumaginninnermullu Ingerlatsiviup, Sanarfinermut Avatangiisinullu Ingerlatsiviup aamma Iserit A/S-ip akornanni suleqatigiinnikkut angerlarsimaffeqanngitsunut ornittakkap pilersinnissaanut suliaqartoqarpoq.  
Aningaasaateqarfik Oak Foundation pilersaarummut soqutiginnilluni nalunaarpoq.  
Tapiiffigineqarnissamut qinnuteqarnissaq pillugu aningaasaateqarfik suleqatigineqarpoq.  
Ornittakkap 2024-p qeqqata missaani naammassissasoq naatsorsuutigineqarpoq.
- Angerlarsimaffeqanngitsunut ataavartumik inissianik pilersitsineq  
Kommune inissianik sanaartornissamut siunniussaqqarpoq. Nuummi inissaaleqinerup ilorraap tungaanut saatsikkiartuaarnissaanut iluaqutaassapput. Inissiali pineqartut maannakkut inissiaqanngitsunut qulakkeereersimanissaat pisariaqassaaq.  
Tamanna pillugu Suliffeqarnermut Isumaginninnermullu Ingerlatsiviup suliutat ingerlateqqissavaa.
- Angerlarsimaffeqanngitsuuneq pinaveersaartinniarlugu ikiuiniarlunilu periaatsinik ineriartortitseqqinneq

Periutsinik suliaqartoqarnissaanut sulisunillu inuuniarnikkut ajornartorsiortunik angerlarsimaffeqanngitsunillu sullissisunik ilinniartitsinissamut Ilisimatusarfik suleqatigineqalerpoq.

Sulisut ilaatigut nappaatinik, aaqqiagiinngittoqartillugu iluarsiinissamik, perorsaanikkut piginnaasanik, allagaatinik/IT-mik paasisimasaqarnerulernissaat anguniarneqarpoq. Suleqatigiinnermullu tunngatillugu ilisimatusarfimmiit ilisimatuut oqartussaaffeqarfimmi aqqusinermi angalaartut peqatigalugit nakkutiginninnissaq aamma sulinerat paasisaqarfigineruniarlugu sulisullu sullitatut naapittagaat pineqarput.

Periutsimik atuinermi housing first tunngavigalugu sulisoqarpoq, taannali najukkami pissutsinut tunngavigisanullu naleqqussarneqarluni.

Nammineq ineqarnissamut sungiusarnerit assigiinngitsut suliarineqarput, matumani angerlarsimaffeqanngitsunut unnuisarfimmi, katitertakkani imaluunniit namminerisamik inigisami najugaqarneq apeqqutaatillugu.

Angerlarsimaffeqanngitsuuneq pinaveersaartinniarlugu siusissukkut iliuseqartarnissaq qulakkeerniarlugu oqartussa qarfiit allat qanimut suleqatigineqarnissaat sulissutigineqarpoq. Taamaammat Nuummi Pinerluttunik isumaginngittoqarfik aamma Anstalti ataavartumik attaveqarfigineqartarput, ilaatigullu innuttaasut pillugit sukumiisumik suleqatigiissutigineqarnissaat pillugit sulissuteqartoqarluni. Anstaltimi inatsisilerituumiit aggersaasoqarnissaa utaqqimaarneqarpoq.

Aamma Majoriami angerlarsimaffeqanngitsuunerup pinaveersaartinneqarnissaa ukkatarineqartoq pillugu suleqatigiinnissaq pingaaruteqarpoq pingaartumik inuusuttut eqqarsaatigalugit. Ataqaqatigiissakkamik suliniuteqartoqarnissaanut iliuusissatut pilersaarut ataatsimoorusaaq suliarineqarpoq.

Anisitaasussat pillugit allattorsimaffik kommunimut tunniunneqartarpoq Iserit A/S-ilu aalajangersimasumik ataatsimeeqatigineqartarluni. Taamaaliornikkut anisitaanissat taamaalillunilu angerlarsimaffeqanngitsuuneq pinaveersaartinneqarnissaat anguniarneqartarput.

Innuttaasut peqqissusaat isumaqarluartumik inuuneqarnissamut pitsaassuseqarluartumillu inuuneqarnissamut pingaaruteqarluinnartuummat angerlarsimaffeqanngitsuuneq pillugu suliniuteqarnermi Peqqinnissaqarfimmi suleqateqarnermi sulinerit pingaarutit ilagimassuk taaneqartariaqarpoq. Ilaatigut TB-mut peqqissaasoq, tarnip nakorsaqarfia nakorsiartarfillu suleqatigineqartarput. Taamaattoq angerlarsimaffeqanngitsunut unnuisariup ingerlanneqarnerata akisussaaffigilernerani sulinerup ilaa ingerlateqqilerneqartussaavoq.

Kommuneqarfik Sermersuumi aalajangersimasumik najugaqanngitsut:

Sted	2017	2018	2019	Mar. 2020	Feb. 2021	Nov. 2021
Ittoqqortoormiit	x	16	14	13	3	2
Tasiilaq	90	92	59	38	61	81
Paamiut	34	22	36	45	31	37
Nuuk	337	338	366	383	404	418
<b>Total</b>	<b>461</b>	<b>468</b>	<b>475</b>	<b>479</b>	<b>499</b>	<b>538</b>



### *Ingerlariaqqinnissaq*

Angerlarsimaffeqanngitsuuneq pillugu immikkoortumut pilersaarutip killiffia ataatsimiititamut tulliani 2022-mi ukiakkut saqqummiunneqassaaq.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataitallit**

- Angerlarsimaffeqanngitsuuneq pillugu immikkoortumut pilersaarut
- Angerlarsimaffeqanngitsuuneq pillugu periusissiaq

### **Ilanngussaq**

1. Angerlarsimaffeqanngitsuuneq pillugu immikkoortumut pilersaarut
2. Angerlarsimaffeqanngitsuuneq pillugu periusissiaq

## **Punkt 9: 2022-mi politikkikkut ataatsimiiffissat**

### **Beslutning**

Inassuteqaat akuersissutigineqarpoq.

### **Bilag**

2022-mi politikkikkut ataatsimiiffissatut siunnersuut

## 2022-mi politikikkut ataatsimiiffissat

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussiviup Suliffeqarnermut Isumaginninnermullu Ataatsimiititamut inassuteqaatigaa:

- ataatsimiititap 2022-mi ataatsimiiffissai akuerineqassasut

### Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq.

Suliffeqarnermut Isumaginninnermullu Ataatsimiititami ataatsimiittarnerit marlungornikkut nal. 14.00 ingerlanneqartassapput. 2022-mi ataatsimiititaq arfineq-pingasoriarluni ileqquusumik ataatsimiissaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalackersuisunut nassiunneqassapput.

### Ingerlatsiviup aningaasaqarnikkut sulisutigullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### Siusinnerusukkat aalajangerit

*Suliffeqarnermut Isumaginninnermullu Ataatsimiititaq, 26.10.21:*

Inassuteqaat itigartitsissutigineqarpoq imatut oqaaseqaatitalerlugu: nalinnaasumik ataatsimiinerit malungornermi marlunat ingerlatiinnarneqarnissaat ataatsimiititamit kissaatigineqarpoq.

### Ilanngussat

1. 2022-mi politikikkut ataatsimiiffissatut siunnersuut

## **Punkt 10: Lukket**

## **Punkt .: Taasariaqartut allat**

### **Beslutning**

Lone siulittaasoq sinnerlugu ukiumut qaangiutilersumut qujavoq ataatsimiititamiittut tamaasa allaffeqarfimmiittullu juullimi ukiortaassamilu pilluaqqullugit.

Mala aamma ukiumut qaangiutilersumut qujassuteqarpoq juullimilu pilluaqqusilluni.

Ejner ukiumut qaangiutilersumut qujavoq politikernik suleqateqarluarsimaneq qujassutigalugu. Ataatsimiititap angalanissaa massakut kinguartinneqarpoq, angalanissamullu nutaamik ulluliisoqassaaq, ataatsimiititarluk Nuummi suliffeqarfimmut pularusussappat tamanna aamma periarfissaqarpoq.

Avaaraq Paamiuliarnissaq pillugu oqarpoq tamanna Meeqqanut Ilaqutariinnullu ataatsimiititap aamma angalanissaanut peqatigitinneqarsinnaasoq.

## **Punkt .: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 15:10